



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 221. Quid notandum sit, si hoc, quod de altero dixisti, fuit publicum.

urn:nbn:de:hbz:466:1-42561

cum ipse met cogat injuriatum ad hoc medium
necessarium de se licitum , ita Card. n. 48. Imò
aliqui dicunt id licere , quamvis esset accusatus
de vero crimine sed occulto injuriosè manifesta-
to, quia adhuc injustè læsa est ejus fama, ad quam
recuperandam jus habet. Addit Carden. si falsò
vel injustè accusatus inde passurus esset leve da-
mnum & accusans grave , tum fore contra Cha-
ritatem revelato ejus gravi criminis authoritatem
elidere. *Dixi*, per se loquendo , nam aliter lo-
quendum est, si quis sub secreto illud habeat, vel
injustè notitiam illam acquisiverit , utì dicetur à
1228.

1218 §. 6. Qui ab alio falsâ calumniâ impetratur , nec
aliter potest eam refellere, potest calumnianti di-
cere, quòd mentiatur, quamvis hoc sit ipsi futu-
rum ignominiosum, nam utitur moderamine in-
culpatæ tutelæ, ita cum aliis Mendo diff. 1. n. 225.
Idem dicunt aliqui, quamvis crimen, quod obji-
citur, foret verum , dummodo non sit publicum ,
quia calumniator tum adhuc mentitur quoad fa-
mam publicam , sed in hoc videtur esse restrictio-
nimùm mentalis, nam neque ex verbis alterius ,
neque ex circumstantiis colligi potest, quòd lo-
quatur de fama publica ; posset tamen dicere esse
quoad hoc calumniatorem & sibi facere injuri-
am.

1219 Q: 221: *Quid notandum sit, si hoc, quod de alte-*
ro dixisti, fuit publicum. R. Seqq:

§. 1. Aliquid potest esse publicum tripliciter ,
in primis *Jure* , si sciatur per confessionem Rei in
publico judicio vel per sententiam Judicis jam
publicatam : Deinde *Facto* seu per ipsam facti e-
videntiam apud tot , ut attentâ conditione illo-
rum

rum, qui eam habent, & qualitate communitatis, arbitrio prudentum judicetur nullâ tergiversatione celari posse. Denique *Famā*, si rumor de hoc ex sufficientibus indicis ortus pervenerit ad majorem partem communitatis. Vide dicenda l. 4. n. 786. Ut autem crimen sit famā publicum, aliqui dicunt sufficere, quod sciant decem, quia hic numerus sufficit ad constituendum populum seu parochiam, & turbam, L. 4. ff. *Vi honor: raptor:* Alii dicunt sufficere sex, quia is numerus est plus quam media pars populi seu numeri requisiti ad parochiam; alii cum *Arr. de Sacram.* d. 21. n. 27. melius dicunt hoc esse judicandum respectivè tum ad communitatē, tum ad personas, quæ sciunt, & creduntur vel tacituræ vel leviter de hoc locuturæ, hinc putat, quamvis 30: viri graves & taciturni aliquid sciant, non ideo censeri posse famā publicum. *Mol. Lugo* d. 14. n. 70. *Haun.* n. 544. dicunt, si communitas constet 8: personis, tum esse notorium famā, quando 4: sciunt; si constet 20:, quando 7:; si 100, quando 15:; si 1000, quando 20: vel 30, qui sint ex diversis domibus. Quod si vicinia constet ex 40: personis habitantibus in 4: vel 5: domibus, quando sciunt 10: vel 8: personæ diversarum domuum, censetur notorium; si autem civitas constet 5000: civibus, sufficit, quod sciant 30: sparsi per illam civitatem, aut quod una platea vicina id sciat, quia tum moraliter impossibile est celari. Addit cum aliis *Steph.* t. 4. d. 6. n. 27. crimen famosum dici, cuius fama pervagatur per majorem partem Viciniæ, Communitatis, Oppidi, Parochiæ. Denique ut quis infamatus sit in regno, satis est, si sit infamatus in Curia vel

Ccc 3

alio

alio illustri loco , ex quo facilè in totum regnum fama dimanet , ita *Mol.* & *Lugo*, potestque vide-ri etiam *Petsch.* q. 5. a. 3. q. 7.

1220

§. 2. Si quid sit publicum, non est detractio, si ulterius publicetur, saltem quando prima publi-catio non fuit injusta : Quod si haec fuit injusta, adhuc docent *Less.* *Bonac.* *Burgh.* cent. 1. cas. 54, *Petsch.* q. 6. non peccari, si ulterius publicetur , dummodo ipsi non fuerit falsò impositum , tum quia per publicitatem amisit jus ad famam , tum etiam quia consideratā humanā societate nimis durum foret non posse loqui de publicis, & reip-sa vix unquam posset quis loqui de crimen pu-blico , quia primi sermones s̄epissime fuerunt injuriosi. Oppositum tenent *Bonac.* *Haun.* n. 545. & alii cum *Steph.* n. 22. , quia cūm causa publici-tatis fuerit injuria , manet jus ad recuperandam famam , ergo facit injuriam , qui continuando diffamationem impedit illam recuperationem. Quod si crimen fuerit falsum, major adhuc est ra-tio, uti fatentur *Burgh.* & *Petsch.* q. 8. , nam facul-tas publicandi crimen de aliquo , fundatur par-tialiter in veritate ; E contrà jus ad famam fun-datur, vel in ignorantia criminis veri, vel in vera criminis carentia , ergo cūm hic sit vera carentia criminis, manet jus ad famam : potestque videri etiam *Mol.* d. 32., qui magis propendet in se-cundam sententiam.

1221

§. 3. Crimen in uno Monasterio publicum potest ulterius publicari intra illud Monasterium, sed non extra , quia talis publicitas non est abso-luta , sed restricta tantùm ad illos , cum quibus Monasterium communicat in regula & regimi-ne , *Arr.* n. 23. An autem possit scribi etiam ad alia

alia Monasteria ejusdem Ordinis , dubitatur , videtur posse , tum quia illa inter se communicant , tum etiam quia si Religiosus illuc veniret aliunde , posset dici præsenti , ergo etiam poterit scribi absenti , ita cum aliis *Mol. t. 4. d. 33. n. 7.* *Rebell. p. 1. l. 4 q. 4. n. 10.* , ubi tamen addunt timoratos & prudentes id non facilè facere ; sed credo distinguendum esse , nam si illi Religiosi non soleant mitti de uno loco in alium , non videtur licitum esse , quia non habent tantam communicationem ; si autem affixi non sint certis locis , sed permittentur & permisceantur , scribi poterit ob rationem datam .

§. 4. Si res , quæ fuit olim publica , sed nunc 1222
oblivione sepulta erat , iterum publicetur , sit injuria , si facto vel famâ tantum fuit publica , ita *Mol. Lugo n. 5.* & alii. Ratio est , quia diversitas temporis facit , ut res non sit amplius absolute publica , sed tantum fuerit , hinc res per obli-
vionem est reducta ad eum statum , in quo erat ante publicitatem , & fama iterum justè posside-
tur : E contrà quod uno loco publicum est , est absolute de facto publicum , hinc , per se loquendo , posset etiam alio loco publicari . Probabile quidem etiam est , quod docent *Az. Less.* & *Urb.* apud *Steph.* n. 23. eum non peccare contra justitiam , qui revelat delictum oblivione sepultum , si simul patefaciat resipiscientiam , quia qui tali tempore fuit infamis , amisit in perpetuum omne jus habendi famam pro eo tempore , quo fuit infamis ; Contrarium tamen adhuc videtur probabilius , quia in praxi non videtur infamia tem-
poris præteriti posse narrari , quin redundet in infamiam etiam præsentem ; probabiliter tamen

Ccc 4 docent

docent *Less.* n. 82. *Lugo* n. 77. *Petsch.* q. 7. illat. 4. non fore peccatum, si fuerit publicum publicitate juris, quia non obstante oblivione videtur moraliter perseverare facultas manifestandi data à Judice.

1223 *Q.* 222. *Quid notandum sit circa injurias contra honorem.* *R.* Seqq. §. 1. Injuriæ contra honorem nomine generico dicuntur contumelia, à contemnendo, inquit *Mol. d.* 18. n. 1. Contumelia autem dividitur præcipuè in convitum, improperium, irrisioñem, illusionem, subsanationem, maledictionem. Convitum est, si vitium vel defectus etiam naturalis objiciatur alteri cum ejus dedecore. Improperium, siue contumelia specificè sumpta, quâ vitium vel defectus alicui præsenti in faciem objicitur. Irriso, quâ quis præsens vel absens objicitur risui. Illusio, quâ quis objicitur ludibrio quasi rectè & cum quadam deceptione, uti cùm Judæi Christo velatâ facie illudebant, dicentes, *prophetiza nobis Christe &c.* Subsanatio, quâ quis objicitur irrisioñi per gestus aliósve motus corporis, uti Christo Crucifixo subsannabant Judæi, moventes capita & dicentes, *Vah! qui destruis templum Dei.* Injuriæ contra honorem sæpe additur maledictio, quâ quis imprecatur alicui malum, de quibus omnibus videri potest *Lugo d.* 14. sect. 11.

1224 §. 2. Contumelia ex genere suo est mortale, quia honor, qui per eam tollitur, est bonum æstimabilius quam bona fortunæ: de se tamen est minus peccatum quam detractio, respectivè ad illum, qui contumeliam infert, quia fama est bonum nobilius quam honor, uti n. 1193. dictum est. Rectè autem notat *Steph.* t. 4. d. 6. n. 6., quod convitia,